

Suliffeqarfimmik kisimiillutik ingerlatsillutik namminersorlutik inuussutissarsiuqartut Meerartaarnermut atatillugu sulinngiffeqarnermut aningaasaateqarfimmit meerartaarnermi sulinngiffeqarnermi ullormusianik pissarsisinnaassagunik, suliffeqarfimminnik unitsitsigallartussaajunnaarsillugit imaluunniit matusisinnaajunnaarsillugit Naartunermi, erninermi meeravissartaarnermilu sulinngiffeqartarneq pillugu Inatsisartut inatsisaata allanngortinneqarnissaanut siunnersuusiornissaannik, Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Napaartoq Isak Petrussen, Demokraatit)

Akissuteqaat

(Isumaginninnermut, Suliffeqarnermut, Ilaqutariinnut Nunamullu Namminermut Naalakkersuisoq)

Siullermeerinninneq

Inatsisartunut ilaasortap, Napaartoq Isak Petrussenip, siunnersuutaanut Naalakkersuisut qujassuteqarput.

Naalakkersuisut isumaqarput inuiaqatigiinnut pingaaruteqartoq, meeqqat ilaqutariillu inuunermik pitsaanerpaamik aallartitsinissaannut angajoqqaat inoorlaaq peqatigalugu sulinngiffeqartarnissaat. Naartunermi, erninermi meeravissartaarnermilu Inatsisartut inatsisaat akuersissutigineqarmalli naartusunut angajoqqaanngorlaanullu atugassarititaasut pitsanngoriaateqartippai.

Inatsisip atuutilerana peqatigalugu Erninermi Aningaasaateqarfik pilersinneqarpoq. Aningaasaateqarfiup suliffeqarnermi namminersortuni sulisut sulinngiffeqarnerup nalaani sulisitsisut akissarsianut aningaasartuutaannik matussusiineratigut sulinngiffeqarnissamut periarfissippai, suliffeqarnermi pitsaanerumik naligiissitaaneq qulakkeerlugu, aamma ilaqutariit meerartallit sulinngiffeqarnerup nalaani naapertuuttumik pilersuinissamut tunngavissillugit. Namminersorluni inuussutissarsiornermik ingerlatsisunut erninermi ullormusiat inatsimmi immikkut ittumik malittarisassaqarput, erninermilu ullormusianut aningaasartuutit Nunatta Karsianit akilerneqartarlutik. Taamaalilluni aqqissuussineq erninermi ikiorsiissutit sulinermik isertitat atorunnaarnerinut taarsiullugit atuutilerananik tunngaveqarpoq.

Naalakkersuisut aallaaviatigut, namminersortup suliffeqarfimmik pisariaqangitsumik annaasaqarnissaanut aarlerissuteqarnani erninermi sulinngiffeqarnissamut periarfissaqarnissaa pillugu siunnersuuteqartup takorluugaanut isumaqataapput. Malittarisassat atuuttut malillugit namminersorluni inuussutissarsiornermik ingerlataqartup erninermi ullormusianik pisinnaatitaaniaruni, inuussutissarsiorluni suliffeqarfini piffissami pineqartumi unitsittariaqarpaa, imaluunniit inuussutissarsiornermik ingerlatsineq allanut tunniuttariaqarlugu.

Naalakkersuisut nassuerutigaa, inummik ataatsimik inuussutissarsiorluni suliffeqarfinnut minnernut allanik sulisoqangitsunut imaluunniit piginneqataaffeqangitsunut, malittarisassat piviusumik naammassiniarneri ajornakusoorsinnaasut aamma namminersortunut ajoqutaasinnaasut. Naalakkersuisut malittarisassat tunuliaqutaat pillugu § 37 naapertorlugu apeqqummut nr. 2025-226-mut akissuteqaammi nassuiaateqarput.

Naatsumik oqaatigalugu, malittarisassanut maanna atuuttunut pissutaasoq unaavoq aaqissuussineq allaffissornikkut ajornannginnerulersitsimmat, tassunga ilanngullugu sulinngiffeqarnerup nalaani suliffeqarfimmik ingerlatsinerup tamaat unitsinneqarnera pillugu Erninermi Aningaasaateqarfiup nakkutiginninniarnera ajornakusoorsinnaalluni.

Siunnersuuteqartup nammineq ilusiliineq tikkuarpaa, erninermi ikiorsiissutit inuussutissarsiornermik ingerlatsinermik killilimmik ataqatigiissinneqarsinnaasut, ilanngaaserneqarsinnaallutik, taamaalilluni aaqissuussineq naapertuuttumik akisussaassuseqartumillu suli tunngaveqarluni. Naalackersuisut tunngavik taamatut isikkoqartillugu ilusiliineq inassutigisinnaanngilaat, erninermi ullormusiat inuussutissarsiornermik ingerlatsinermut ataqatigiissinneqarlutik. Erninermi sulinngiffeqarneq aallaaviatigut tassaassaaq meeqqamik peqateqarneq, aamma erninermi ullormusiat sulinnginnermut suli attuumassuteqassapput. Taamaattoq Naalackersuisut isumaqarput, pisarialimmik allaffissornerup minnerpaaffimminiitinneqarnissaa, suliffeqarfimmik attassiinnarsinnaanerup aamma sulinermik isertitsissutaasinnaasup akornanni immikkoortitsisoqarsinnaanersoq, misissuinermi ilanngunneqassasut.

Taamaattoq Naalackersuisut siunnersuummut tunuliaqutaasoq pillugu tamakkiisumik nassuerutigaa, isumaqarlutillu inummik ataatsimik inuussutissarsiorluni suliffeqarfiit erninermi sulinngiffeqarnissamut periarfissaqassasut aamma malittarisassat akigitallu atuuttut malillugit isertitaqaannarsinnaassasut.

2026-mi Inatsisartut upernaakkut ataatsimiinneranni, anaanaasut tamarmik siusinnerusukkut sulisimaneq apeqputaatinnagu sapaatit akunnerini 19-ini nalunaaquttap akunneri 40-ni erninermi ullormusianik pisinnaatitaanissaat pillugu immikkoortoq nr. 169 suliarineqarpoq.

Immikkoortumut matumunnga Naalackersuisut inassuteqarput, *”Naartunermi, erninermi meeravissartaarnermilu sulinngiffeqartarnermut akuerisaanermi atugassarititaasunik pitsanngorsaanissamut inatsisitigut aningaasaqarnikkullu periarfissat pillugit misissuinermik aallartitsinissamut Naalackersuisut peqquneqassasut, tassunga ilanngullugit aningaasaqarnikkut atugassarititaasut, misissuineq 2026-p naalernerani piareersimassaaq. Misissuineq maannakkumut ernereernermi sulinngiffeqartarneq pillugu inatsisit iluarsartuunnissaat siunertaralugu kingusinnerpaamik UKA2027-mut ingerlanneqassaaq.”*

Inatsisip tigussaasumik qanoq allanngortinneqarsinnaanera pillugu tamatumalu saniatigut inatsit allanngortinneqassappat aningaasaqarnikkut kingunerisassaanik qulaajaanissaaq pillugu Naalackersuisut tigussaasumik isumminngillat. Naalackersuisut namminersortunut sulinngiffeqarneq erninermilu sulinngiffeqarneq pillugit malittarisassat qanoq ilillutik allanngortinneqarsinnaanersut misissorusuppaat, taamaalillutik namminersortut sulinngiffeqarnermut atatillugu suliffeqarfimmik matusisariaqarunnaarsillugit. Pitsaasuussaaq namminersortut pisinnaatitaaffii misissuinermit ilanngunneqarpata.

Tamanna tunngavigalugu immikkoortoq 147-mut allannguutissatut siunnersuut Naalackersuisut saqqummiuppaat: *”Naartunermi, erninermi meeravissartaarnermilu sulinngiffeqartarnermut atugassarititaasunik pitsanngorsaanissamut inatsisitigut aningaasaqarnikkullu periarfissat pillugit misissuinermik aallartitsinissamut Naalackersuisut peqquneqassasut, tassunga ilanngullugit inummik ataatsimik inuussutissarsiorluni suliffeqarfiutilimmu atugassarititaasut aamma malittarisassat. Misissuineq 2026-p naalernerani piareeqqassaaq. Misissuineq erninermi sulinngiffeqartarneq pillugu inatsisit atuuttut pillugit iluarsartuussinissamut alloriarnissaaq siunertaralugu ingerlanneqassaaq kingusinnerpaamik UKA2027.”*

Naalackersuisut oqallilluartoqarnissaanik kissaassipput aamma erninermi malittarisassat ilaqtariinnut, namminersorlutik inuussutissarsiornermik ingerlatsisunut erninermit

aaqqissuussamik aningaasaqarnikkut akisussaassusilimmik ineriartortinneqarsinnaaneri pillugit Inatsisartut sulinissaat qilanaaralugu.